

- P1. 《社論》『認清世界語言政治ê史實』--以美國做例,李勤岸
- P2. 《陳水扁訪談》『台灣及中國關係 需要台灣住民投票來決定』,
  - 黃真救翻譯 『奇妙ê四季』,廖秀玉

P6.

- 《Chhiò-ōe》『Mō-tngê Tō-lí』・ P9.
  - (Chóan chài chữ Tâi-gí Lô-má-jĩ Tâi-gí Lô-má-jĩ Gián-stp-hōe)
  - 『按石器時期亞洲文化發展 看台灣住民文化來源』,陳雷
- P10. P12. 『我去Latvia ê一寡感想』,Sakai
- P15. 『芋仔蕃薯湯』,蔣爲文 原作全羅,蘇正玄翻譯漢羅
- Р1б. 《客語教室》Thòi-vàn-fa 幼稚園『客話ê馨調』,Fèn-ngièu



# Tâi-Bûn Thong-Sìn

# 台文通訊

54期

1998年7月1日


Editor: Li khîn hōa\*

### Publisher: Chhong-Bi Memorial fund, USA

# 图第世界語言政治自由

### ---以美國做例

#### 李勤岸



『美國是ùi英國獨立出去é,個mā是koh繼續使用英語做個6國語,並無損害個獨立é國格,台灣準講beh獨立mā無需要放棄華語這個國語。』--che 是反對台獨é陳若曦講é話。真濟人感覺有理,甚至koh有台獨é文化理論家認真chhoé 理論來支持華語tī台灣使用é合法性。M-koh講這款話是而是有合tī語言政治é歷史事實,咱需要驗証。

首先,咱ai知影,美國、加拿大、澳洲固然 是ùi英國獨立出去,koh繼續使用英語,Ān-koh個 原底tioh是講英語6語族做主體建立6國家,個是 繼續使用個原來6母語。若是台灣,是hō另外一個 語族轉換語言(language shift)。華語並而是台灣人原來6母語。咱若beh學習美國個對母語6忠誠,咱應該恢復,而是放棄咱6母語。

第二,雖然美國人繼續用英語,但是英語一向權而是個信『國語』。美國聯邦政府到ta"並無明訂英語是個信『國語』,甚至mā m是官方語言。雖然自從1981年開始陸續有人tī 國會提案,要求訂英語做官方語言,m-koh一直攏輸通過。因為若是強制人ai使用基物語言,tioh明顯違反聯邦憲法第一修正案,剝奪人民信言論自由。咱上加(siōng-ke)會使講英語tī 美國是一種無成文6共通語(Lingua Franca),伊丽是官方語,koh khah 而是『國語』。

第三,當初美國抵獨立6時,對個6英語使用6合法性kap正當性是經過真痛苦6爭扎6。 當初為著beh kap英國劃清界線,beh凸顯美國6獨立性,個考慮beh改用希伯來語,因為彼是一種『神聖6語言』;mā有考慮beh用希臘語,因為彼是『世界上6第一個民主政治』;抑是法語,講彼是『無理性』6語言。甚至mā捌想講個是戰勝者,戰敗6英國di去改講別款話。後來,NoahWester提出『美國英語』6講法,認為個講6英語已經kap英國英語真無像,有個6特殊性ah,就tī 1789年發表『語言獨立宣言』(Declaration of Linguistic Independence),按呢,才hô美國人有個家已獨立自主6語言文化。若是美國感覺個

深深思考。

文學, ai 一直到1855年惠特曼用美國英語寫出「草 葉集丨, 才蔥定美國文學6根基。

按1776年7月4日美國宣佈獨立,發表獨立 宣言,到1789年發表「語言獨立宣言」,美國人 經過十二冬6爭戰才chhoē 著家已獨立6語言文 化,tī文學頂高di經過七十八冬6心路歷程。這就 是美國6語言政治6史實。咱敢會使koh講美國人 獨立了『mā是koh繼續使用英語做個6國語』? 個這款用心追chhoē 自我語言文化尊嚴6精神, 實在值得現階段台灣獨立運動6政治家kap文化人



# 陳水扁訪談台灣及中國關係

## **「需要台灣住民投票來決定**」

譯自 日本**遠見**(Foresight)雜誌 1998年3月8號,58-61頁

■ 黃真救

【Beh決定李登輝6後繼者6總統選舉,已經逼近tī 二年後beh舉行。以下質問採取台灣獨立6民進黨 最有力6候補者有關未來6計劃。】

舊年年底tī台灣舉行ê地方縣市長選舉,台灣 ê大眾媒体講彼個結果是一種 ê變天--天大地大 ê 變遷。二十三ê縣市ê首長,超過半數〔十二個, 以前只有六個〕 hō在野黨〔民進黨〕 thèh去。民 進黨大嬴,執政黨〔國民黨〕大慘敗。

民進黨 6 得票率頭一擺超過國民黨。 Tī民 進黨成功 6 背後 有一個應該注目 6人物,就是 陳水扁--台北市長。 陳水扁按1994當選台北市市長以來,用真 sin-sian ê方法開始改革市政,將台北市改做服 務市民為中心ê市。政權若beh改變應該tibh按呢 做。向百姓做個目睭看會著ê模範出來。

台灣tī西元2000年三月aī選李登輝 ê後繼者。到現在陳水扁是hā人認定最有可能當選 6人物。國民黨有連戰(副總統),宋楚瑜(省長),蕭萬長(行政院長)三個teh爭拚beh做總統候選人,目前猶tī混亂 6狀態。民進黨內陳水扁以外有一位許信良(民進黨主席)有意思愛選總統,總是伊欠缺人氣。民進黨傾向擁護陳水扁。無論在野黨抑是執政黨6 擔看會出來,最有力6候補者就是陳水扁。

今年年底台北、高雄兩市beh選市長,陳水 扁可能beh參加競選台北市長。同時立委也beh 選。Ti chiah é選舉中,民進黨想beh théh超過 半數。用chiah é做跳板,民進黨漸漸向總統é選 舉teh鋪路。Che thang講是民進黨beh奪取政權 é 戰略。

民進黨是用台灣獨立做黨綱ê政黨,kap對中國採取曖昧來teh保持台灣 6獨主性 6李登輝政權無仝款。民進黨若théh著政權,無大大改變對中國6關係輸ēng-tit。

有一項愛注意é,就是民進黨內部對中國政策 ê意見真無一致。許信良主席 tī縣市長選舉前提出 三通 khah大膽西進é政策。三通就是beh kap中國 直接通航、通信kap通商。換話來講,許信良雖然 做主張台灣主權獨立é民進黨é主席kap向 tùi中國 保持真慎重é政策é國民黨挑戰,積極 beh kap中國 接觸。伊本身想講,因為伊主張獨立,所以會tàng kap中國建立主權國家é平等關係。這個假設tī民進 黨內面而是主流é想法。反轉成做民進黨內,hö陳 toh ∘

法?。

進黨tī今年2月13到15舉行中國政策討論會,hō對中國關係 6積極派kap消極派公開辯論。Hit 6結果許信良暫時loh-nig無beh堅持,改做主張『強本西進』〔代先強化台灣同時進出中國6妥協案,兩旁chiah互相瞭解,總是意見對立6火種猶繼續teh

水扁派做攻擊ĉ目標。為著beh緩和黨內ĉ對立,民

上趣味--6就是陳水扁根本無出席這個討論會。對中國6關係伊講民進黨黨網內面明明有記載,到chit-chūn chiah teh爭論是無chhai-kang。

An-ne講是表面上 6理由,主要是伊無愛hō人 sak 入去對中國問題爭論 6漩渦裡,對chit-chân事陳 水扁 6發言真慎重,che kiám-chhái是 teh指伊若 當選總統 6時,應該tióh考慮6代誌。

問:上代先請依坦白kā阮拆明依對中國關係é想

陳水扁:台灣人tī chit數十年來努力追求民主自由,致使經濟奇蹟,政治奇蹟會tāng實現。台灣對威權統治到民主自由 6路徑需要付出非常大 6 代價。 Che 完全是有濟濟先人甘願犧牲 chiah h 6阮會tāng得著現在6民主自由。M-kú

阮絕對無因為an-ne來滿足。台灣應該愛變

koh-khah好,Che就是民進黨teh beh爭取執

政,阮繼續teh努力ê理由。

舊年年底。條縣市長選舉,民進黨頭一擺théhtióh半數以上。條時長,iā是頭一擺得票率超過國 民黨。民進黨已經而是萬年。在野黨。現在已經成

做台灣ê準執政黨。M-kú beh théh-tioh政權以前,

目前對 中國 ê 政 策是 一 個 大 問題 。 這 個 問 題 n 是

kan-ta"台灣niā-tiā",全世界各國也long teh注目卷。 台灣若beh愛保持尊嚴,確保安全,繼續享 受經濟 é發展 kai-chāi tī兩岸 é問題有妥善處理抑無。台灣 kap中國將來 beh ān-choā"保持互相友

好 6關係。 Beh an-cho a "進行和平、共存、共榮 6 關係。是 最重要 6點。解決對中國 6問題是無論 叨 一堂起來執政 lóng是輸tàng游免 6事實。

民進黨kap國民黨有無仝款ê政策。國民黨主 張中國統一,hit中間台灣是中國6一部份。對這 個問題民進黨6主張是台灣無屬中華人民共和國6 一省,是主權獨立6國家。院這個主張絕對無beh 讓步抑是妥協。

同時院也有一個真重要ē原則,就是講,民 進黨雖然teh變做準執政黨,而-kú縮使無考慮tiòh 台灣人ē生命、財產ē危險。民進黨tiòh愛對台灣ē 安全負全部ē責任,絕對艙使採取過頭緊急放縱ē

民進黨是採取民主 6政黨,非常重視台灣人家已 6選擇。民進黨艙使單獨來決定台灣 6前途。 台灣 6前途應該愛hö二千一百五十萬 6台灣住民,

經過住民投票選擇來決定。住民投票é標題kap時

間,阮拍算上好是民進黨若tī AD 2000變做執政

黨 ê時,隨時 beh來實施。這個作風tióh愛避免美

國kap日本誤會台灣是一個 trouble maker。 問:現在國民黨所採用台灣峽交流基金會(台灣追 旁)kap海峽兩岸關係協會(中國hit旁)是總

陳水扁:過去 6經驗(政府 6接觸)無法度thang突 破濟濟 6禁令,所以才避免政府直接去接觸,h&

過民間團體é交涉方式。依想這個做法怎樣?

年lóng斷絕,現在beh恢復這種6交涉可能性無 真大。M-kú應該有人繼續去做接觸kap對話。 我想兩岸6友好關係應該對三個新步調來進

民間團體代替交涉。 M-kú這種 ĉ會談,過去數

行。第一,接觸;第二,對話;第三,交涉。

我主張代先tioh進行全部ê接觸kap對話。若無接觸tō無法度thang對話也無法度thang交涉。 全面ê接觸kap對話無一定tioh經過民間團體,hit ê方法及步調應該是直濟種。

問:陳市長,你teh希望愛去中國訪問,而-kú中 國hit旁縣同意你去。對中國違款6對應,你6 看法án-án-choá"?

陳水扁:我想che是一個真繪tang理解ê事。連接觸ta無法度,behna有對話、交涉6餘地。Che 而是kan-ta"我做市長chiah有這種ê困難,連林嘉誠副市長最近想beh去香港參加國際會議,beh去香港ê Visa都而發hō伊。Beh接觸若有困難,對話就無可能,交涉koh khah免想。

問:你是 teh鳞台灣kap中國 ê和平、英存、英榮 英oh-tit實現是而是?

陳水扁:對 chit-chân事來講事實有困難,總是 繪tàng因為困難就放棄。院tiòh向理想kap目 標繼續努力去做。我相信若無放棄,這個美 望有一日可能會實現。

問:若是án-ne, 上好ê方法siá"-mih ?

陳水扁: Che m是講台灣已經kā中國接觸、對話 6門關掉,是中國hit旁完全無誠意,繼續teh 壓制台灣tī國際社會6活動空間。阮有必要kā 這個事實講hō國際社會理解kap肯定。

南非é Mandella總統kap伊é部下為著民主 自由é努力hő全世界é人真欽佩。設使國際社會 是有公平kap真理,怎樣全款teh追求民主、自 由、人權é台灣輸受著國際社會é肯定來支持台 灣呢?台灣人民追求民主自由é努力輸輸南非,

國際社會實在無夠公平。

台灣問題不但是台灣本身抑是兩岸 6問題 niā-tiā",是亞細亞太平洋地區 6共同問題。 Koh khah坦白講,是美國、日本 6問題。設使台灣海峽發生 sía"-mih 炎殃, hit 6萬害不但影響台灣 niā-tiā"。台灣 6安全對世界 6和平是一種 6保障,對亞細亞太平洋地區最大 6保障。

問:現在國民黨 ê李登輝總統採取『戒急用忍』 ê 政策,想 beh緩和台灣企業向中國進出。你 對台灣企業向中國進出有 si à "- mi h想法?

陳水扁:台灣是一個島國,tich愛倚靠貿易來生存。 台灣企業愛去叨位投資,無人有法度kā個阻 擋。雖然個知hia é政府無好,總是生理人若看 hia有利,不管叨位個都會去,或者西進(向中 國進出),抑是南向(向東南亞進出),抑是東 攻北上,東西南北生理人攏會去,che是理所當 然。

講來講去中國並而是普通6國家,伊是想beh

施壓,beh對台灣國際社會生存6空間妨害,消滅6國家。Che kap美國日本6貿易 partner 完全無全款。生理人無祖國6觀念,這句話 kiam-chhai有事實。M-kú濟濟有心6生理人心內猶有存祖國6理念。國家6利益絕對比個人6利益,商業上6利益khah要緊。事實個mā真慎重teh考慮。

問:陳市長·你nā-chún是反對許信良主席6『大 磨西進』·是而是?

陳水扁:許信良主席參加民進黨討論會 6時,已經 有修正伊 6主張。大膽西進、三通已經無teh講 lah。民進黨內對這個意見 6對立也漸漸teh解 消去 lah。無beh行日本社會黨 6路線。

問:李登輝總統對台灣é民主化有真大é貢獻·你 對李總統é評價siā"khoán?

主政治。

陳水扁:李總統是頭一個台灣出身é總統。所以伊有真強é台灣意識。伊koh bat去日本kap美國讀冊,我想伊有真開化é想法。這幾年來伊做總統é成果阮long有肯定。M-kú伊mā有受限制。譬如講,李總統bat講一句話,『台灣是主權獨立é國家』,che隨時刊出頭條新聞,伊邊仔é人隨時kā否認、改正,chì"講總統無講讀款話。

Che就是李總統上困難忍受ê立場。伊tibh愛

用妥協 kap 讓步來維持國民黨內 6合作。伊這種曖昧 6做法成做台灣政界發展 6阻 礙。以外,國民黨已經執政一百年 6歷史,tī台灣掌握半世紀 6政權。全世界 chho 6無一個政黨親像國民黨 lák hiáh 久 6政權。絕對 ték 6權力一定有絕對 ték 6腐敗。民主政治是兩黨政治,兩黨交替 teh執政 6政治。KMT若無做過台灣6在野黨,台灣艙 táng確立真正6民

問:民進業若théh-tióh改權, kap國民業有siá"mih無全?

陳水扁:最少國家é目標會比國民黨khah明確。 國民黨 é國家目標就是一個中國,台灣是中國 6一部份。真明顯che是講館通 ê。Koh來,國 民黨 é問題就是百年掌握政權帶來 é後果。黨 kap國 6分別 館清楚。軍隊 而是屬國家,是國民 黨 6黨軍而已。黨營事業kap民營 teh相拚。世 界最大 6黨資產是用 si a"-mih氣 力來 khí-chō-é?當然是倚靠特權 kap獨占。Che完全 kap自 由市場,公平競爭 é原則相反。

民進黨 lòng無黨資產、特權抑是獨占 ê 現象。民進黨若約束beh做 ê事,一定會去實行。

問:假使AD 2000民進載théh-tióh改檔, 民進載kap國民黨6關係會變做án-choá"? 陳水扁: 我想將來會變做兩大政黨制。將來ê兩 大政黨就是民進黨kap國民黨。

問:Ná-chún有人反對兩大政黨ē聯合政權,彼個 即由是tī切位?

陳水扁: 若變做執政黨, tioh愛院主導政治。若是

兩大政黨聯合,民進黨iā tióh做主導。國民黨若要求beh參加聯合內閣,民進黨無一定tióh接受。英國6勞動黨等18年chiah théh-tióh政權。院mā di親像個an-ne做。院無愛親像日本6社會黨。歷史上久6在野黨6社會黨因為Murayama主席kap自民黨協力做首相以後,soah將過去6體制完全kā pàng sak去,實在真而值。

信 AD 2000阮 一定會做台灣 6執政黨。 問: 李總統是日本殖民地時代出世·後來去日本 密學·人long想 伊是親日·李總統 6年華 jú來

阮已經等候數十年,ta"無必要koh等。阮相

jú減少,台灣kap日本ē關係會漸漸綻遠,將 來台灣kap日本ē關係你想會變在n-choā"?

陳水扁:事實上台灣kap日本6關係完全靠老一輩6 人teh維持。Kap台灣真親密6日本政治家也是 kap李登輝總統全款相當年老6一輩。設使若 beh互相做khah良好6來往,進行良好6合作來 繼續維持過去6友誼,應該ai有少年一輩6人來 繼承。老--6一輩無外久會過去。阮真希望日 本年輕6政治家、企業家應該多多來台灣kap 台灣6少年一代6政治家、企業家互相交流、 來往。

我是屬tī年輕一代é人。Tī 戰後出世,完全面 知日本統治台灣é時代。但是我對日本é印象非常 好。日本 kap 台灣是厝邊同志,希望咱兩國é關 係會漸漸khah密切,咱tioh互相來努力。

問:這模亞納亞金融危機中台灣ć經濟kan-na分

著輕傷·對台灣ć經濟你有sia"-mih看法?

陳水扁:台灣ê產業結構kap日本抑是東南亞其他ê

國家無全款。台灣是用中小企業做產業 ê基

礎。產業 ê90%以上 lóng屬tī中小企業,真容

易分散所beh拄著ĉ危機,因為 an-ne chiah會

tàng打破這欄ê金融危機。但是che m是講台

瀅lòng無受著打擊。Hit-ê深度比較以外ê國家 khah無 hiah嚴重niā-tiā"。

日本,東南亞,香港若有發生經濟風波,講 台灣攏艙受著影響是一種 ê白賊話。這擺影響雖然

無真大,今後chia é國家 é經濟問題若 na tang解決, 鱠tàng突破chiah ê難關ê時,台灣也會受著這個風

波 ê影響。Hit個影響絕對是輸tàng輕視--tit。中國

ê 人 民幣雖然極力teh控制保持現狀貨幣無貶值。 台灣kap中國間é經濟關係若是密接é狀況,設使人

民幣若貶值,台灣ć社會就會受著真大ć打擊。咱 艙使講只有台灣 6經濟不時有幸運,會tang無代

誌,繼續發展。

台灣是國際社會一員,亞洲太平洋地區ê一 員。我想tī這擺ê危機台灣有責任伸出援助ê手,去 幫助 hiah é受難 é國家,來突破這個難關 chiah



Î-bîn lâi Canada í-keng ū 35 nî, a-jiáttải ê Tâi-ôan soah piản-chó tē- jī-ê kở-hiong.

Canada ê sù-kùi hun chin bêng, an-chiau

hoe-chháu, chiáu-chiah, tōng-bút kap tháng-thoā chiah ē chhut-hiān. Goán khi New Zealand thit-thô ê sî, khoả\*-tióh chhun-thi kap hē-thi ê hoe-chháu. chhiū-bak siāng-sî chò-hoē khui, kam-kak

chin bē koản-sì.

kùi-chiat, an-chiau in ê sî-kan, chhiū-bak,

Ottawa it-tai, chia - goèh kap jī-goèh sī siong kôa² ê kùi-chiat. Siong-siong ū she a-sī ice-storm. Sui-jiân sī hiáh-nih koâ" ê tang-thi<sup>1</sup>, nā káu jī goėh té, ē-tảng khoả<sup>1</sup>tióh chhiū-á-m khai-sí teh phòng-khí-lâi. Sa<sup>\*</sup> goéh-té kảu si goéh-chhe, khai-si hó-thi<sup>1</sup>, chhiū-á-chiap ē liù-tōng, sui-jiân tē-bīn iáu ū chit-toā-tui ê seh. lõng-hu chiū

siông-siông khi Sugar Bush, hióng-siū maple syrup kam-ti² ê khi-bī. Che sī chitnî-tiong thâu chit ê goán ē-thang hióng-siū ê mih.

khai-sí siu-sêng chhiū-á-chiap, thang chò

Maple syrup, Tī chit ê sî-kî, goán

Si goéh 23 jit, thảu-chá ũ thia\*-tióh Canada geese poe-kôe chhù-téng, sĩ kin-nî thâu chit-phi tùi lâm-pô thg lâi--ê. Thia tioh honk, honk, ê sia sim chin hoa'-hí. Ah! chhun-thi' koh lâi lah!. Tī si goéh chhe crocuses í-keng khui-koè. tē-chiū ê seh iah siau-bô-khi, glory of the

snow kap toad lillies khui kah chin súi.

Tulips iā khai-si teh khui. Chhun-thi'ê

Song birds jā thg--lâi, tek-pjat sī cardinal chhiù chin hó thia ê koa. Kang--ê cardinal

ū chheng-âng-sek ê chiáu-á-mo, chin iá\*

lâng ê bat-chiu. Ontario séng ê séng-hoe. kiò-chò trillium iā khai-sí khui, choân-chhī

ê maple tree iā teh khui-hoe. Ū koè-bínchèng ê lâng chiū bát-chiu âng, phah

ka-chhiù phah-kah chin toā-sia, koh

khuh-khuh-sau. Hó-thiª sî, chhùt-khi āu-piah-hñg khoả\*-tióh phỏng-chhí kap

robins sio-che¹ teh chhiú¹ chhiū-á-oe thang

chò siū, khoả' tiòh chin chhù-bĩ. Kū-nî, goán ê niau-á nî-lāu si-khi liáu-āu. chipmunks poa<sup>\*</sup>-jip-lâi toả-tī goán-ê

gīm-chî\*-kha. Chit-chiah toā chiah bó, kap ñng-chiah sè-chiah kiá². Sam-put-gö-sî goá chiū kā in chhī. Goá chhút-sia¹ kiò chiáp. chiáp, in chiū cháu-chhút-lâi thó chiáh, chin kớ-chui. Chit-kúi-jìt (si goèh té) chi-ũ khoả\*

tióh hit-chiah tōa-chiah--ê nā-tiā<sup>1</sup>. Hit ñng-chiah kiá" m-chai tùi tó khi? Ng-bāng thi\*-khi khah sio-joah ê sî. ē chhùt-lâi kap goá thit-thô.

Gö goèh chhe, flowering current chiū ē khui hoe. Sui-jiân ng-sek ê hoe chin sè-lúi. m-ku chin-phang. Thảu-chá iā ē thia¹ tiỏh

Chit-sî-chūn, tī Ontario séng ê sai-lâm-pêng

phang-hiau<sup>1</sup>h-hiau<sup>1</sup>h. Song bird ê chit-chióng. warbler iā tī chit sî-chun ē tò-thg-lâi, in chhiù' ê koa iā ē hō lâng ê sim hoa'-hí. Goá

Goéh-té. lilacs iā khui,chhù-chêng chhù-āu

khah sio-joàh ê số-chāi, bók-lân-hoe

khui-moá sì-kè, hộ goá chin him-siãn.

ē-ki-tit ū chit-nî ê jī goèh tńg-khi Tâi-oân ê sî, toả tĩ Tâi-pak a-chek hia, ũ thia tióh warbler teh chhiù koa, ho goá chin siū kám-töng. In-ùi hit-sî Tâi-pak-chhī ê ú-jiám

chin lī-hāi, chiah nih sè-chiah ê chiáu-á ū hoat-to thang seng-chûn, sit-chāi bò iông-ī². Koè-niau nā chhùt-lâi, thi\*-khi chiū khai-si sio-joah khí-lai. Goá tī chhải-chhī-á kéng koè-niau-íª ê sî. hòª-kî ê lâng chiū oá-lâi

mñg goá, he sĩ sím-mih, lí án-choá chú.

Thia goá é ké-soeh liáu, khah hó-tá é lâng chiū toè goá bé koè-niau thg-khi chú. Lák goéh, bó-tan-hoe, mock orange kap

columbine tng khui, chiah--ê hoe chin

phang koh ū chin-chē chhái-sek. Humming birds chiū lâi chhoē hoe-bit thang suh. Chit-khoán chiáu-á chí ū chhùn-pod\* tñg nā-tiā". koh poe-tiòh chin kín. lí tiòh ài chim-chiok chiah ū khoả\* tiòh in teh

chhut-chhut jip-jip. Robin ê kiá\* iā chha-put-tōti chit--ê sî-chūn chhut-siū. Goá số pó-sioh--ê rhododendron kap azalea iā khai-sî khui, chhù-pi² ê lâng tī hā-pan ê sî

robin teh chhiù koa, soan-giân i ê léng-thó.

siông-siông thêng chhia oat-jip-lâi khoả\* hoe, khoả kảu sim-moá i-chiok chiah thg-khi. Tùi lak goèh tiong kau chhit goèh chhe, tĩ Ottawa ê hù-kĩn kau-goã ũ chitphiản iá-seng ê lân-hoe (Showy Pink Lady Slipper) thang khoả\*. Múi nî kảu chit-ê sî, goán chiữ toả pian-tong khi-khoả, ia hip chin-chē siong. Hiah--ê lân-hoe sit-chāi chin-súi. Ták-nî khi khoả tā khoả bē-siān. Joah thi na kau, goán chiũ pảng chúi jip-khi chúi-tî. Kok-chióng ê chiáu-á ē lâi chúi-chhiâng-ē sé-ėk. Khoả in teh ság-chúi chin chhù-bī. Chúi-chhiâng teh lâu ê sia" ū chit-ê im-lüt, chit-ê koân chit-ê kē, ñng-sia1 hap-khí-lai chin hó-thia. Thia chiah-è chúi sia kap khoả chiáu-á teh sng-chúi, sĩ chitchióng é hióng-siū. Tī hoe-hñg lāi, poppies, lilies kap chú-pñg-hoe moá-moá-sī, ū chhái-sek koh ū phang-bī. Kok-chióng ê tháng-thoā iā chhùt-lái, chiah chhải-se, hoe-lúi, kap goán sam-chhit-ngó pun. Thau-cha khi-lai, chiū-sī teh chhoē thang. liah thang, chin bô-êng. Tī peh goèh té kau káu goéh, kok-chióng ê kiok-á-hoe chiū khui. Cosmos tī chit-sî i-keng ū kiat-chi. kui-kûn ê finches chiū lâi chhoē hoe-chí chiáh, chin nāu-jiát. Robins kap blackbirds iā lâi chiảh kớ-kí ê chhiū-chí, chin ti² chin hó chiáh. Chit-kûn koh chit-kûn ê chickadees iā tī pine tree kap spruce tree

poe-lâm hoe-pak ê poe-chiáu, ē túi goán số toả ê tē-khu keng-koẻ, hỗ goán ũ ki-hoē thia in ê sia -im, sĩ chin tháng kam-siã ê sũ. Tī káu goèh té, khi-un kảng-kē, sap-sap--á hở lớn lài ê sĩ, thảu-chá khi cé iá-seng ê chháu-ko (shaggy-manemu shrooms) thg-lâi chú. Chhá--ê a-sī chú thng--ê lóng chin hó-chiáh. Hong thảu, un-tở kảng-kẽ, khaisí koa\* khí-lai,hoe-hng ê hoe lóng koè-sî, tī chin hi-bî ê kéng-ti tiong, khoả<sup>1</sup>-tióh Autumn crocus ê hoe tī léng-hong ê tiongkan, ióng-kám khiā-chāi, hō goá kám-kak un-loán. Chá-sĩ khi au-chiu thit-thô, chē hoé-chhia keng-koè Switzerland chin jip Austria ê si, tî soa²-iá ê tiong-kan, khoá² tióh kui-phiản ê Autumn crocủs in-siong chin chhim. Thg-lai chhù-nih liau-au kòe kúi-nā-nî chiah bé tióh chéng-chí, chin hoa\*-hí. Chióng-chióng ê chhiū-á-hióh iah piản-sek. Ték-piát sĩ maple tree piản chuâng-sek chin-chiả<sup>a</sup> súi. Canada geese iā hoê lâm khi. Chin-jip cháp goéh táng-sng í-au bộ goā kú, súi-súi ê chhiū-á-hiòh chiū long lák-lóh-khi, chhun oʻta é chhiū-ki teh hōʻ léng-hong chhoe-lái chhoe-khi. Goá ē-ki-tit chá-chêng ka-bó lãi chia toả ê sì, tú-tú sī cháp-it goéh chhe, i khoď-tióh chhiū--á long bỏ hiỏh, kóng, Ah, khó-liân-tāi, chiah ê khi-hāu siu'-koâ'. chhiū--á long sí-sí

tiong-kan chhoē chhiū-chí chiáh. In é sia<sup>1</sup>-

beaked gro'se) iā ē lâi chhiù¹-koa. Chin-chē

im iā chin hó-thia". Evening grose (rose

khủn nã tiã", mê-nî ê chhun-thi", ē koh puh-í<sup>a</sup>. Hit-sî ka-bó ná-chún bô-siá<sup>a</sup> siongsin. Kau të jī-nî ê chhun-thi, ko-jian khoa

khi--ah. Goá kā i kóng hiah ê chhiū--á sī teh

tion chhiū-bak teh puh-i\* khui-hoe, i chin hoa<sup>2</sup>-hí, kóng, siōng-tẻ số chhỏng-chō ê

sè-kan bān-mih sit-chāi chin kî-biāu. Cháp goèh boē, thi\*-khi tit-tit koâ\*

khí-lâi chiū khai-sí lòh seh. Khoả tiòh seh. hố goá siữ tióh ải khai-sí chún-pĩ Christmas cards kap hō-nî ê phoe. Tú-chiah

loh lái é seh sī khin-báng-báng, tiáu tī goá é phi léng-léng koh ngiau-ngiau, chin chhù -bī. Kau Seng-tan-cheh-kî, chiū chin-chia2

sī White Christmâs e kéng-tì, chin-chià súi. Ū lâng bat kā goá kóng, in tī koâ'-thi' khi Hân-kok thit-thô ē sî, thâu-á kúi-jit-á khoả tióh seh chin súi, koẻ kúi-iit au chiū kám-kak thó-ià. Chin khó-sioh, chit-ūi

pêng-iù bô ki-hoē thang hióng-siū chin súi ê seh-kéng. Khin-báng-báng ê seh tiâu tī chhiū--á-ki.

ū-sî nā chhin-chhiū mî-á-hoe, ū-sî khảm tī o-tâ-ê hoe-lúi téng-bīn, chit-bong chit-bong, chit-lû chit-lû, hit-ê hêng chin

sim-sek. Múi nî ê hêng-chông long bô

chiâ chin súi ê hoe-iū.

kāng-khoán. Chiah ê bi-kéng nā kā hipsiong khí-lài, sĩ chin-súi ê bí-sút. Am-sî ūn-to kảng chin-kē, thi kng ē-thang khoả tióh pô-lê-thang ê goā-bīn kiat-sng, piản-

(Eng-gi kiò-chó beautiful Jack Frost patterns).

Ū-sî i ê hoe-iū ná koè-niau (fern) ê hiòh. ū-sî ná hái-éng. Múi pái ē-thang khoả tióh bû-hān ê hoe-iū. Loh seh ê chêng-hêng iah

sī bô kāng-khoán. Ū-sî sī chit-liap chit-liap

chin sè-lúi ná chhin-chhiū chit-tih chit-tih ê hơ-chúi, ū-sî sĩ chit-bong chit-bong ná mî-á teh poe. Ū-sî na hong-thai-hō, sūn

pak-hong, poe thán-hoâi. Ū-sî sī freezing rain, ke-lo kút-liù-liù, chhiū--á piản chò peng-chhiū, chhiū-ki nā kiat-peng siū" tang, siông-siông ē tāg--khi, pin-piảng-kiỏ, ē

chhian-ban m-thang chhut-mng, chin hûi-hiám. Ū chit-pái, goá ê ka-bó chhoán tōakhủi, kóng, Chiah-nih koâ'ê số-chāi koh ū

chiah chē lâng teh toà, sit-chāi chin gâu,

he"h kiā" lâng. Tī chit-khoán ê thi"-khì.

Goá siū<sup>1</sup>, joàh ê số-chāi ū joàh ê hó-chhù. koa\* ê só-chāi jāh u koa\* ê hó-chhù. Sjöng-tè số chhỏng-chō--ê. lí nã chim-chiók kã i koan-chhat, lóng sĩ chin kî-biāu. وإفعز المعزاه وإفعز المعزاه وإفعز المعزاه وإفعز المعزاه وإفعز المعزاه وإفعار المعزامة إنعارته وإنعارته

«chhiò ōe» Mō-tng ê Tō-li

Chit ê hōan-chiá ti-tioh kip-sèng mō-tñgiām. I-seng beh kā khui-to. I m khéng.

"Ki-jian Siong-tê ka mo-tng se" ti goa ê pak-tó lāi, cho at-tùi ū i ê i-sù. Lí bē-tàng o-péh

kā thèh tiāu!" I-seng hôe-in i kông: "Sī..a, Siông-tè kā

mō-tng sen tī tōa-tng pin...a, tioh-sī beh hō i-seng khah hong-pian thang theh--chhut--lai." (Chóan chải chữ Tâi-gí Lô-má-jī,

Tâi-gí Lô-má-jī Gián-sip-hōe)

# 按石器時期亞洲文化發展 看台灣住民文化來源



陳雷

中 國人所寫 6中國歷史,常常有歪曲事實,內容政治化 6所在。特別是有一寡無正確 6講法,直接影響著咱對台灣現住民、原住民人文、文化 6 瞭解, bis 咱對台灣人 6歷史產生重大 6 誤解,有需要來kā 伊糾正。

中國歷史傳統ĉ講法是,中國古文明按

黃河『中原聖地』發源,hia 漢民族『高度』 é『中原文化』向四圖『野蠻民族』kē(低) 文化地區擴張發展,kā 個征服同化。這種『 中原中心』 é講法一方面滿足大中國主義 kap 中原中心』 é講法一方面滿足大中國主義 kap 大漢民族主義 é心理需要,一方面替中國對外 武力侵略,征服提供『合理化』 é借口。但 是這種傳統 é『文化中原論』,到底外 chē 是 歷史科學 é事實,外 chē 是中國人主觀 é、自我 中心 é 政治神話?Che 是一個真心適 é歷史課題 中心 é 政治神話?Che 是一個真心適 é歷史課題 。 Ti chia,咱 beh 參考按石器時期起,亞洲地 區文化發展大約 é經過,來進一步分析、瞭解 這個相關 é 問題。

1950年代以來,ti亞洲東南地區有繪少重要 6 石器時期考古學 6 發現。 Ti 中國地區, mā 有發現六千外位以上新石器時期 6 遺跡。 Chia 6 資料表示:

〔1〕亞洲東南地區( Southeast Asia)〔附 圖〕,包括亞洲大陸東南沿海部分,中南半

島全部,向南到Indonesia,向東到台灣 ,philippine 南部 ,tī更新世 (Pleistocene) 晚期 〔大約到一 萬年前為止〕,是一塊〔tè〕面積真大,降地 相 連 ĉ 土 地 。 五 這 個 地 區 內 , 有 發 現 人 類 上 早 ĉ農業 植物 kap家 畜動 物 ĉ 利 用 , 上 古 早 ĉ 陶 器 、銅ê提煉kap青銅器 (bronze) 製造ê證據。估 計tī 13,000年 B.C. (公元紀元前)到8,000年 B.C. 中間,tī chia tō 有農業,畜業ê建立 kap 陶器ê製 造。 其中 農業 ê 開始 可能比 世界別 位 上早 ê 地 區(中東地區)khah 早五千年。青銅器 ê 製 浩 mā 比別位khah 早 2,000年。 這個地區是人類文明 〔包括 農 業 文 明〕發 源 上 早 ê 所 在 。 Tī 13,000 年 B.C. 到 2,000年 B.C. 期間,mā是文明上先進ê 一 個 地 區 , 對 伊 四 圉 地 區 文 化 ĉ 發 展 有 直 接 ĉ - 〔請參考:Scientific America, April 1972. "An Ealier Agricultural Revolution", by W.G. Solheim II)

- (2) 台灣屬 ti 這個地理地區、文化地區 f 東界。一萬年以來,台灣住民 f 文化 kap 亞洲 東南地區 f 文化有直接密切 f 關係,是這個文 化 f 一部分。關於這點,咱若是參考台灣新石 器時期遺址 f 內容,[親像大盆坑文化 (5,500年 B.C.到 2,500年 B.C.)、鳳鼻頭文化 (2,500年B.C.到 公元紀元)], ka 個 kap 仝 時期亞洲東南沿海、 中南半島地區 f 文化作一個比較, tō 會凍清楚 看出這個關係。
- (3) 亞洲大陸:大約8,000年B.C.到2,000年B.C.期間,亞洲大陸南部(長江以南)大概受著亞洲東南地區 6影響,文化 6發展比北方(包括黃河地區) khah 早、khah 先進。咱用下面幾項重要文物考古出土6代表年代,來作一個大約6參考比較:

大約現代陸地面積é工倍。



(附圖說明)

亞洲東南地區重要早期考古遺址。其中泰國仙人洞( spirit cave)(12,000年 B.C.到 7,600年 B.C.)有發現人類上早農業ê證據kap上早ê陶器。Chiaê陶器kap tî Formosa(台灣)發現ê繩紋陶( 2,000年 B.C.) 真相仝。地圖實線(~)範圍表示更新世晚期ê陸地,

稻a:南部地區按5,000年B.X.以後tō有種

稻 a 6 證據 (長 江下游 河姆渡遺址 III, IV 層, C14 定年是 4,900 年 B.C.)。黃河地區『中原文化』 6 初型仰韶文化 (4,700年 B.C. 到 3,000年 B.C.) 有稻 a,但是主要是種粟。黃河下游 到 1,500年 B.X. 以後才有種稻 a 6 證據。

絲:河姆渡遺址 III 層(5,000年 B.X) 有 蠶 6 圖 紋。長江下游 良 渚文化(3,700 年 B.X.到 2,000 年 B.X.)有發現絲 6 證 據。

農具:江西仙人洞(6,000年B.X.以前),河姆渡遺址有耕土農具耜,表示農業已經脱離『火耕刀種』階段。黃河仰韶文化kap中游龍山文化(2,500年B.X.到3,000年B.C.)無耜,農業猶tī火耕階段。到齊家文化(2,000年B.C.)才有耜出現。

家畜: 河姆渡遺址 IV 層 有大量豬 kap 其 他動物 6 遺骨。仰韶文化早期 mā 有大量豬骨出 現。 有真chē 款式無全,數量輸少 ē玉飾器。黃河『中原』地區真少玉飾器,到二里頭文化(2,000年B.X.到1,500年B.C.)才有玉刀、玉鉞。

玉器:長江地帶遺址(河姆渡,良渚文化)

原始素燥瓷:廣東石峽文化,(3,000年B.X.

到2,000年B.C.)、江西(山背文化、2,500年B.X.)、 長江中、下游、福建攏有原始素燒瓷出土。北 部到二里岡期(1,500年B.X.到1,000年B.C.)才有。

禮器:玉琮、觚形器等是『中原』夏、 商朝重要6 禮器,tī二里頭文化(2,000 年B.X. 到 1,500 年B.C.) 才有。黃河下游大汶口文化(3,800 年B.X.到2,200年B.C.)、長江下游良渚文化、廣 東石峽文化攏比『中原』khah 早有。其他組 合禮器э鼎、豆、壺,mā 是長江下游、東海沿 海各地先有。

雲雷紋:長江下游良渚文化心有雲雷紋。 黃河『中原』心夏、商朝(2,000年B.C.以後)才 有。(中國史年代參考:『黃帝到堯、舜、 禹』3,000年B.C.到2,000年B.C.。夏朝2,000年B.C. 到1,600年B.C.)

綜合以上資料,咱作二點推論:按 8,000 年B.C. 到 2,000年 B.C 期間,亞洲文明發達 6 重心 是ti亞洲東南地區(包括亞洲大陸東南沿海、 中南半島, Indonisia kap Phippines 相連 6 土地)。 亞洲大陸南部(長江以南)受著這個文化 6 影響,相對比較起來,比代表漢民族文明 6 『中原文化』 khah 早發達,khah 先進。 2,000年 B.C. 以後,北方文化漸漸受著南方文化 6 影響 ,(經過向南軍事侵略,征服 6 過程?),吸 收南方文化,kā真 chē南方文化先進 6 所在,

一直 保持 tī 漢文 化內面,變作 『中原文化』

約ê印象。

為止,真chē 咱所認作上界代表中國漢民族文化 6 物件,親像稻 a、絲、瓷、青銅器、甚至『傳統』 6 禮器、雲雷紋圖案,攏而是按『中原聖地』發源,然後向四邊傳出來 6。 Chia 6 物件是漢民族按南方『野蠻民族』吸收來 6。 現代所講 6 『中國傳統文明』,其中外chē是經過吸收亞洲東南地區先進 6 古文化來 6 ,外chē是按黃河『中原』直接發源,向四方傳出來 6 ?咱看頂面幾項代表性文物按石器時期起,tī亞洲地區發展 6 經過,tō應當有一個大

重要ê成分,改變『中原文化』ê 內容。到 chit ma

按另外一個角度來看,咱台灣人文化6發源,無論是原住民或者後來住民6,kap亞洲東南地區6古文化一直有真深6、分繪開6關係。這個關係,應該是比kap中國人自稱6『中原文化』koh khah密切才tioh,特別是『漢文化』6本身,到ta"為止原在有相當6亞洲東南古文化6成分ti hin。



# 我去Latvia ê—寡感想

■酒井亨(SAKAI, Toru)

(原作用全羅,多倫多TBTS讀者聯誼會翻譯漢羅)

我 bat 去 Latvia。是 1996年八月參加第二屆

台文夏令營了後,經過 Amsterdam, Copenhagen 入去 Riga (Latvia的首都), mā有去 Vilnius, Lithuania。 感覺 Baltic states。尤其是 Latvia ê歷史 kap 現況 kap台灣真相像 neh!

#### 1. 連續受過殖民地統治

歷史上來看,Latvia kap台灣全款,"有史 以來"連續受過外邦ê殖民地統治,攏無家已ê 國家。 Latvia過去是德國生理人、德國劍客ê統 治下,後來屬tī瑞典ê統治下,koh 有 hō Poland kap丹麥統治過。18世紀tī俄羅斯ê手裡。

好佳哉,Latvia tī歐洲 é 邊 a , 19世紀末期已經發生 "民族主義 ",所以第一次世界大戰結束了後,個爭取獨立。M-kú 1918年建設新 é 國家進前,無chit-má所講 é Latvia é 版圖。1918年以前,chit-má é Latvia 千單是 Russia é 一部份,liān Latvia é 境界 mā 無。 我感覺 真奇怪,chit-ma é Latvia é 境界到底是 tang 時出來。 1919年,Latvia 國家成立。真可憐,1939年 hō 蘇聯併吞落去。 Latvia 保持國家 é 地位不過是 20冬 niâ 啦! (第二次大戰中間足短 é 時間 mā 有 Nazi 來)。

#### 2. Latvia人 bē-tàng使用 Latvia語文

又 koh Latvia語文確立 6 時期,是 tī歐洲語言中間卡 cd" 6 ( m̄-kú 當然是比台語文卡早,早真濟),是獨立以後 6 代誌。 19世紀以前 6 Latvia人知識分子 bō-tāng 無用 German 語文抑是 Russia語文。 USSR統治下 6 Latvia 6 大學生 mā bō-tāng 無用 Russia語文。

台灣人知識分子chit-ma猶原mā teh用中文,是全款 6 狀況。 "bē-tāng無 teh用別人〔統治者〕 6語文 "就是殖民地統治者 6 特色。 Latvia獨立時代,是 Baltic 國家中間上發達、上工業

化 ē國家啦。所以蘇聯併呑Latvia以後,USSR 掠Latvia 準作 "USSR上大 ē工業基地",叫真濟 ēRussia 人 soā 入去Latvia,建設大工業區。

#### 3.Latvia比台灣卡嚴重ê所在

獨立時代 ê Latvin (1939年) tòa tī Latvia ê Russia 人 ê 人 口 比 率 千單 10.6%, ña - kú USSR 時 代 末 期

本地人是 52%),尤其是 toả tĩ Riga 人 ê Russia 人 佔 60%以上。Tĩ 1980年代,Latvia本地人中 100% ê

(1989年) Russia 人 ê 比 率 已 經 達 到 34% ( Latvia

人會曉講 Russia 話,顛倒,tod tī Latvia ê Russia人, 大部份艙曉講 Latvia話,連聽無 ê 人 mā 艙少。

統治 Latvia ê是 Russia, che 對 Latvin 語文有 真不利 ê效果: Russia 語文所產生 ê 文化藝術 ê

內容真豐富、真闊、真深,Russia人對現代世界文化貢獻是不得了ê:此如講,文學上有Tolstoy,Dostoyevsky, Chekhov, Turgenev;音樂上有Chaikovsky, Stravinsky, Rimsky ûKorsakov,等等…足濟足濟。個ê名世界各所有人擔會知影。Tī 復活獨立以後êLatvia,欣賞Russia 語文,文學6

Mikú 統治台灣 ê中國人 ê文化呢? 個 tī 現代 世界文化 ê成就真少。世界敢有偌濟人知影老

人mā猶足濟。因為Rusia語文有真豐富ê歷史。

我相信,台灣人若是確立 koh 推廣台語文 以後,中文應該會趕緊消失去,因為中文 6

文化價值不如 Russia 語,中文 ê 價值真低。

### 4. Russia 人khah 開明

舍、巴金、魯迅 個ê名?

總是,世間 6 物件 攏有兩個面,兩個意思。"中國人對現代世界文化個 貢獻真少,中文 6 價值 khah 低", che對台灣人作用真不利。

對現代世界 ĉ 民主意識來看,中國人 khah

無,顛倒 Russia人 khah有。 所以, Latvia 人追 求獨立 é時陣,支持獨立 é Russia 人(tī Russia 抑 是 tī Latvia) mā 輸少,猶 koh tī獨立進前 é上尾 關 鍵時陣, tod tī Latvia é Russia人支持獨立達到九

中間有外 chē 人會支持獨立 é ?我想 che 是文明 度(文明程度) é 問題 ah 。其實是到 ta", 會支 持台灣獨立 é 新住民應該 輸超過 一半, che 證 明中國人比 Russia人落伍,著無?

真可憐是,todtī台灣ć中國人〔新住民〕

我對一位 tiàm Latvia 國會上班 ê 查某 職員問

#### 5. Latvia 人 ê 反 Russia 意識

512.ah ∘

ê 話 leh 。

: "恁 Latvia 人 khah 愛 tò 一個國家 , Russia 抑是Germany ?"。伊 ê 回答是講 "當然是 Germany ah !"。德國人 kap Latvia 在地人作伙來建設一個真súi ê 城市, κοη留落來一寡西歐式 ê 思考方式。顛倒是 Russia neh,個 干單建設一寡像怪物 ê 工廠 ( Kombinat) niâ, 攏無留過真好 ê 文化遺產。咱那將『德國』換做『日本』,『 Russia』換做『中國』,這段會 ho 我想起來台灣人定定講

連Latvian 族群中間mā有"統派"。所以咱bē

使講 "Latvia 人 ê 獨 立 民族 意 識 比 台灣 人 khah 強

烈,bē-tàng kap台灣人作伙議論",因為Latvia 人一寡人6獨立意識真強烈,另外一寡人個 6認同真無清楚。其實,Latvia是受過 Russia 殖民統治 6 影響上嚴重 6 Baltic 國。連 Latvia 族群中間也濟濟有"支持 USSR "6人。Ti Baltic 6 3 個國家中間,Latvia 是 Russia 人上濟 6 國家。Baltic 國家內底 6 Russia 人 6 角色 kap台灣 6 外省人真成,個心態有『統派』 6 傾向。

有一個極力反對民主化ê蘇聯軍人姓 Alksnis? 伊 到 ta" 猶 原 " 堅 持 " 蘇 聯 式 ĉ 思 想 , 舊 年 tī Baltic Times (tī Riga 發行ê英語 週刊報紙) 採訪ê 時猶原講 "我 ê 神國是 USSR ! "。 俩這款 ê 落伍、 反動 ê 思想連 tī 蘇 聯 人 中間 tō chhōe 無 ê 。 但 是 伊明明確確是Latvia人(咱來看伊ê姓真容易ioh

恁敢是會記得 蘇聯崩 (pang)去ĉ時陣,

ê出來〕,而是 Russia 系ê Latvia 住 民。伊 目前 bētáng轉去個故鄉Latvia,因為伊 hổ Latvia 政府拒 絕入境。 真嚴重ê代誌是Latvia內部 mā有彼款ê人!

過 去ê Latvia 共 產 黨 ê 領 導 者 , chit-mà 是 左 派 親 Russia é政黨主席 Rubiks,私底下是講"愛 kon 倚 USSR! "。 伊 ê 政 黨 參 加 選 舉 ê 時 陣 ê 海 報 是 用

Russia 語 kap Latvia 語, m-kú 真 奇怪 ê 是 Russia ê 宣 傳是tī 頂高,Latvian 是tī 下腳啊。

Latvia 來 底,干 單 用 Russia 文 ĉ 報 紙 "S M " 是 彼寡保守、反動派ê代言者,mā有輸少ê讀者。 6. 結論

Latvia雖然已經爭取獨立建國,這點是 oan-nā 比台灣卡進步 ê, m-kú 咱 m 通 bē 記得 ê, Latvia 文化上猶原 bē-tàng 完全擺脱 Russia殖民地

ê陰影,這點或者是比目前ê台灣 koh khah 嚴重

ê所在。

Latvia 名 叫 是 獨 立 國 家, m̄-kú ,欲 加 入 NATO ê意願猶原鱠成功, che 是因為有Russia ê

堅決反對。所以咱mā會tàng 講 Latvia 原在 猶未 達 成 真 正 ê "獨 立 ",Latvia 若 欲 加 入 NATO,個 ê "

自主獨立"ē問題 tō kap台灣應該是全款。台灣 猶未擺脱"中國(ROCkap PRC)"ê陰影,

Latvia mā 是 猶 未 擺 脱 " Russia ( Russia 國 家 kap Latvia 内底 ê Russia 人 kap文化) ê 陰影。

Latvia政府是khah同情台灣ĉ款,所以伊對 1994年以來攏支持"ROC on Taiwan"加入聯合 國,個允准國府代表處設tī Riga,猶 koh 交 ho 國 府代辦處外交特權。

真可惜, 彼 ê 代表 處 ê 人員 攏 是新 住民。 我去 Riga ê 時, mā 有 kap 個連 絡、 交談,感覺 個雖然是新住民,觀念 koh bē-bai khah有台灣意 識〕。雖然是按呢,我欲建議:真正有台灣 意識 ê人,應該進入去 Latvia,接觸足濟 Latvia 公務人員,ai表達台灣人é心願kapLatvia人相 像, 追求真正 6 獨立、自由, 按呢: 我感覺台 灣人對Latvia 6經驗,值得學6所在真濟喔!

恁若對 Latvia 有關心,請看 Web 網站 抑是 英文ê册。

#### http://www.invourpocket.com/:

Plakans, Andreis "The Latvians: a Short History" Stanford (USA):Hoover Institution Press, Stanford Univ., 1995 ISBN 0-8179-9302-9

Lieven, Anatol "the Baltic Revolution" New Haven (USA): Yale Univ. Press, 1993 ISBN 0-300-05552-8

Hiden, John & Salmon, Patrick "The Baltic Nations and Europe" London: Longman, 1994 (rev.) ISBN 0-582-25650-X

Misiunas, Romuald & Taagepera, Rein "The Baltic States: Years of Dependence 1940-1990", Berkeley (USA) Univ. of California Press, 1993 ISBN 0-520-08228-1

Williams, Roger (ed.) "Insight Guides: Baltic States" Honkong: APA Pubs. HK Ltd., 1993 ISBN 962-421-182-5

# 芋仔審喜湯

### 蔣為文(原作・全羅)・蘇正玄(翻漢羅)

#### 大家好:

阮學校6台灣研究社(TSA)tú成立一冬外。大部份6人猶是參加中國同學會卡chē。TSA 雖然人無chē,而-koh活動辦輸少,而且這學 期院TSA 6幹部選 tióh CSA 6會長(CSA無人beh 出來做會長,個糊里糊塗 tō選著院TSA6人)。 目前由我接管CSA6 newsletter。講著個 CSA

énewsletter 我 tō愛笑。 kan-ta" 2 頁,而且一 半是 teh賣歹銅舊錫,另外彼半是煮食é食譜

kap笑話,無啥物內容。我bat建議個chia ê物件只要建立mailing list,透過 E-mail 來做 tō

會使。結果有人反對,講啥物個真少用E-mail

等等ê理由。

我這擺接管CSAnewsletter了,我按算用「ge--6」(諷刺 6)方式來處理。下面是這期newsletter 6 一部份,hō逐家做參考。

#### <<台灣報導>>

#### 【台北罔報消息】

死亡了後,台灣豬仔 f 「口蹄疫」疫情 koh 再發生,感染 f 範圍當 teh繼續擴大,「台灣省農林廳」今仔日又 koh 舉行記者會宣佈有 koh 發現一例人畜(thiok)互相感染 f 「大頭病」。根據瞭解,所發現 f 這個「大頭病」是世界上真罕 tit有 f 病例,國際衛生組織已經 kā 這種病定名做「台灣特有大頭病」,引起病疫 f 病毒 f 名做「台灣特有 X 病毒」,例 kā che 叫做 X 病

毒是 因為 對這 個 病 毒 猶 未 瞭 解 徹 底 。 根 據 瞭

解 受 著「大 頭 病」感染 ê 逐 種 禽 獸 包 括 雞 、 鴨 、

豬、貓、狗等等,個ê症頭 tō是規目 teh戇想 [神

州 大 陸丨,喝 謹 我 是「中 國 雞 丨、「中 國 鴨 丨、

TI 香港雞仔感染「禽流病」造成幾十人

「大頭病」是由 tod tī台灣 ê人類感染來 ê。其實, tī幾十年前 tō有醫生 tī一寡人 ê身驅頂發現「大頭病」 ê病情,也有提出呼籲著愛卡早治療、 預防, mi-koh有關當局不但無重視,soahkā chia ê有道德良知 ê醫生掛「散播謠言、

「中國豬 | 等等。根據報告指出,chiaê禽獸ê

soanka chia c有担信及和 c 醫生科(散播語言、 欺騙大眾」 c 罪名,致到這陣真 chē人、畜攏 感染著「大頭病」。總講一句,「大頭病」已經 危害著台灣人、畜 c 安全,chit-mà 是咱面對現

<<台灣食譜>>

實、解決這個疫情 ĉ 時陣。

#### 【芋仔蕃薯湯】

最近 ê 「禽流病」、「口蹄疫」、「大頭病」致到人心不安,而知 beh 按怎卡好。本會刊負責人經過特殊管道,提著這陣流傳民間,專門治療 kap預防「大頭病」ê食補祕方,tī chia公開 hō逐家知。

材料:蕃薯、芋仔、薑母、濁水溪上游 є 清 調味料:糠

做法:

- 1. 先去台灣 6 濁水溪提清水。 p. s. 若是 而知影濁水溪 tī tòe ,請先轉去研究台灣地理。若是真正無法度提著濁水溪上游6清水,暫時用其他水質也會使, kan-ta"效果無好,若受著
- 2. Kā清水倒入去鍋〔oe〕仔內,並且用台語、客語、華語攏喝「我是台灣人」一遍。若 是縮曉客語抑是台語、請隨時 Chhoō人學習

,若無,效果無好本人一切無負責。 3.Kā 蕃薯、 芋仔、 萬母洗清氣了切做一塊、

工業廢水毒害,本人一切無負責。

一塊。數量根據個人 6意思來決定。等清水

滾了kā khủg 入去鍋仔內。

4.参小 khoá 糖,等蕃薯、芋仔 noā了 tō 會食 tit。

# 客語教室

Thòi-vàn-fa 幼稚園 by Fèn-ngièu



#### 客話ê 馨顬

客話 ê 聲調不止仔簡單。 頂回提起 ê Si-ien 腔有六個聲調(Hoi-lith 加一個),簡單講就是

台語 ê 七個調減 掉第七聲。 Si-ien ê 聲調音值差

不多hām台語相像,事實存在ê增差無特別明顯。

當然,無仝地區ê Thòi-vàn-fa ôan-nā略仔無像, m-koh咱無需要煩惱hiah濟!

數字代表符號ê時,客語就kap咱無仝標準,

但是為著學習利便,若有需要,咱就採用慣勢用 é台語標準。所以:2= a、3=a、5= â,按呢

落去。

Thòi-vàn-fa é聲調變化比台語加真單純。總是,

實際講ĉ時陣因為捷捷teh變,beh講kah順猶原著

練習koh再練習。干單三類niā-niā:

chhîn-kâ-kûng → chhìn-kà-kûng (親家公)

 $3.5-8 \rightarrow 3-8$ 

例:sên-fát → sèn-fát (生活)

sûng-su:p8 → sùng-su:p8 (雙十) Fî-lit-pîn → Fi-lit-pîn (菲律賓)

以上é規則請逐個記hō tiâu,未來é課程定會用著。

續落來,咱就來研究一寫卡複雜ê例:

例一: Ngiâ pâ lîm ke phù-thò-chiú. 〔你ē阿

爸 lim ê葡萄酒。〕

實際ê 讀法:

Ngià pà lìm ke phù-thò-chiú.【規則一】 例二:Sâm-su:p8-it-van chhit-chhiên si-pak

kiú-su:p8 ng tiám ngi liuk. (317,495.26)

實際ê 讀法:

Sám-su: p8-it-van chhit-chhiên si-pak kiú-u: p8 ng tiám ngi liuk. 【規則三】

# 多謝恁ê慷慨贊助

張啟典 \$100 DR MRS \$100 Henry Cheng \$100

聖東台福教會會友 \$100 多倫多台語通訊 讀者聯誼會 \$150

台文通訊 台北郵政 7-575 信箱,劃撥帳號: 16530211 陳豐惠,Tel: 02-362-8765, Fax: 02-362-8774 Please send contributions to: Chhong-Bi Memorial Fund

C/O Westchester Trinity Taiwanese Church, 1. P.O. Box 501, Scarsdale, N.Y. 10583

### Tâi Bûn Thong Sin

22115S. Vermont Ave. Torrance, CA 90502, U.S.A.

FAX: 310-618-1580

E-mail: LATaibun@aol.com.

NON PROFIT ORG. U.S. POSTAGE PAID TORRANCE, CA PERMIT # 453

